



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 3. februar 2011
J.nr.: 01.31.06/10-00520

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/10-00520 pillugu pingasunngornermi ulloq 2. februar 2011-mi aalajangiineranik Naalakkersuisunut ilisimatitsineq.

Missingersuutitut sunniuteqanngitsumik ilassutitut aningaasaliissutit II - 50.000 kr.

Naalakkersuisut **inassutigaa**,

- Konto pingaarnermut 64.01.01 Inuussutissarsiornermut Suliffeqarnermullu Naalakkersuisoqarfimmu, allaffissornermut aningaasaliissutit 50.000 kroninik qaffanneqassasut, aamma
- Konto pingaarnermut 62.10.25 Aluminiumimik pilersaarummut aningaasaliissutit 50.000 kroninik annikillisinneqassasut.

Finansudvalgets bemærkninger

Inuussutissarsiornermut tunngasuni nuussinissamik qinnuteqaatip akuerinissaa ulloq 20. december 2010-mi ataatsimiititaliap aalajangiuppaa (Sags nr. 01.31.06/10-00510). Qinnuteqaatilli ilaa aluminiumimik suliniummut atatillugu ataatsimiititaliap isumaqatigiinniartartup siulittaasuata aningaasarsiaqartinnissaanut aningaasanut tunngasoq ataatsimiititaliamit akuerineqarsinnaanani. Taamaattumillu aningaasanut taakkununnga (50.000 kr.) tunngatillugu aktiaateqarluni ingerlatseqatigiiffinni pisortanit pigineqartuni siulersuisunut ilaasortat aningaasarsiaqartitaaneraannut maleruagassat pillugit nassuiaammik ilallugu nutaamik qinnuteqartoqarnissaa ataatsimiititaliap qinnutigaa. Tamatuma kingorna Naalakkersuisut akissummik nassiussippu, taannali ataatsimiititaliap kissaatigisaanut eqquutitsinani. Taamaattumillu nutaamik akissuteqarfigineqarnissaq siunertaralugu suliami aalajangiinissani ulloq 30. december ataatsimiinnermini ataatsimiititaliap kinguartippaa.

Naalakkersuisut akissutaat nutaaq ataatsimiititaliamit ulloq 20. januar 2011-mi tiguneqarpoq. Akissut nutaaq tunngavigalugu Naalakkersuisut qinnuteqaataat ataatsimiititaliamit akuerineqarsinnaavoq.

Tamatumali peqatigisaanik ataatsimiititaliamit oqaatigineqassaaq Naalakkersuisut akissutaat kingulleq GD-p ataani isumaqatigiinniartartut ataatsimiititaliap katitigaanera ilusiligaaneralu pillugit paasissutissanik imaqartoq Naalakkersuisut december 2010-mi qinnuteqaataanni siullermi ilanngunneqarsimasariaqaraluartunik. Ataatsimiititaliap arlaleriaqaluni erseqqissaatigisartagaatut aningaasaliissuteqarnissamik qinnuteqaatit paasissutissanik ima naammaginatigisunik imaqaassappu suliaq ataatsimiititaliamit suliarineqarsinnaalluni.

Tamatuma saniatigut aktiaateqarluni ingerlatseqatigiiffiit Namminersorlutik Oqartussanit tamakkiisumik ilaannakuusumilluunniit pigineqartut siulersuisuini Namminersorlutik Oqartussani atorfillit qassit ullumikkut ilaasortaanersut paasissutissiissutigineqassasoq ataatsimiititaliamit kissaatigineqarpoq (1).

Tamatuma saniatigut atorfillit ataasiakkaat aktiaateqarluni ingerlatseqatigiiffiit Namminersorlutik Oqartussanit tamakkiisumik ilaannakuusumilluunniit pigineqartut siulersuisuini ilaasortaat ingerlatseqatigiiffiup aalajangiinerini Naalakkersuisoqarfiit oqartussaasutut ingerlatsinerannut attuumassuteqarsinnaasuni peqataaratarsinnaanerit, taamaalillutillu tamatuma kingorna oqartussaasut suliarinninneranni suliami akuusimanertik pissutigalugu suliami peqataasinnaajunnaaratarsinnaanerit misissuiffigineqarsimanersoq aamma paasissutissiissutigeqquneqarpoq, tak. pisortat suliamik suliarinnittarneranni suliami peqataasinnaanermut tunngasumik maleruagassat (2).

Apeqqutinut taakkununga Naalakkersuisut siulittaasuata akissuteqarnissaa ataatsimiititaliamit naatsorsuutigineqarpoq, tassa Naalakkersuisut suliaasaqarfiinik maanna agguataarisimaneq naapertorlugu Siulersuisunut Allattoqarfik Naalakkersuisut siulittaasuata Naalakkersuisoqarfiata ataaniimmat.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Tamatuma peqatigisaanik apeqqutinut siuliani allassimasunut Naalakkersuisut akissutaata ullup 14-it qaangiutsinnagit kalaallisut danskisullu tiguneqarnissaa ataatsimiititaliamit qinnutigineqassaaq nuutinneralu qarasaasiakkut uunga nassiunneqarluni: nch@ina.gl.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua